

**CONVENIO DE COLABORACIÓN ENTRE A FEDERACIÓN GALEGA DE PIRAGÜISMO E A EXCMA.
DEPUTACIÓN PROVINCIAL DE LUGO PARA O DESENVOLVEMENTO DO “PROGRAMA PROVINCIAL DE
PIRAGÜISMO”**

En Lugo, 30 de decembro de 2020

REUNIDOS

Dunha parte, don José Tomé Roca, Presidente da Deputación Provincial de Lugo, con CIF P27000001 e sede social en Lugo, rúa San Marcos 8, actuando en nome e representación da citada entidade, segundo dispón o artigo 34 b) da Lei 7/1985, do 2 de abril, Reguladora das Bases do Réxime Local, e, no seu nome, don Efrén Castro Caloto, deputado delegado da Área de Deportes, Artesanía e Deseño e Memoria Histórica, en virtude da Resolución desta Presidencia de data 15 de outubro de 2019.

E doutra don José Alfredo Bea García con N.I.F.35456180R na súa condición de Presidente, actúa en nome e representación da Federación Galega de Piragüismo “FEGAPI”, con C.I.F. G36040764 e con sé social en Pontevedra, Centro Deportivo Pontillón do Castro, r/ Gabián s/n, Verducido, C.P. 36151, con poderes suficientes para a celebración deste acto, en exercicio das facultades atribuídas para o efecto no artigo 32 dos seus estatutos federativos.

Actúa dona María Esther Álvarez Martínez, Secretaria Xeral da Deputación Provincial de Lugo, no ejercicio das funcións que lle son propias de acordo coa normativa de aplicación.

Ambas as dúas partes recoñécense mutuamente a capacidade xurídica necesaria para a formalización do presente convenio de colaboración aceptándose reciprocamente as representacións en cuxa virtude actúan, de común acordo,

EXPOÑEN

Primeiro. Que a Lei 3/2012, de 02 de abril, do Deporte de Galicia no seu artigo 3, apartados a), b), f), h), j) e k) establece como principios retores da política deportiva da Comunidade Autónoma de Galicia,

- a) *A consideración do deporte como actividade de interese público, co recoñecemento das especiais funcións que, para o individuo e a sociedade, posúe.*
- b) *O dereito de todos os cidadáns a coñecer e a practicar deporte de forma libre, voluntaria e democrática, en termos de igualdade e sen discriminación ningunha.*
- f) *A consecución dunha práctica deportiva integrada nos valores de preservación do medio ambiente e da sustentabilidade e respectuosa con eles.*
- h) *A garantía da práctica deportiva en condicións de saúde e seguridade, para o que será necesaria a cualificación adecuada dos profesionais que a dirixen.*
- j) *A optimización e complementariedade dos recursos públicos existentes e a necesaria concorrencia da participación privada.*
- k) *A eficacia, eficiencia, descentralización, desconcentración, coordinación, colaboración e participación das entidades públicas e privadas, e a promoción da colaboración entre o sector público e o privado co fin de garantir a máis ampla e mellor oferta deportiva.*

En relación ao devandito artigo 29 do citado texto legal establece que as administracións deportivas de Galicia, no ámbito das súas respectivas competencias, e coa colaboración, no seu caso, de outras entidades e organizacións, públicas ou privadas, facilitarán alternativas e medios para a práctica da actividad física que leven a cabo as persoas físicas, individual ou colectivamente, co principal obxectivo de mellorar a condición física e/ou a ocupación activa do tempo de lecer. O que, neste caso concreto, permite xustificar a subscrpción do presente convenio.

Segundo.- A Excma. Deputación Provincial de Lugo, dentro das súas funcións contempla a promoción e o desenvolvemento de actividades físicas e deportivas e a creación de hábitos e actividades educativas entre os cidadáns que permitan adquirir valores como o traballo en equipo, compañerismo, competitividade e deportividate, entendendo o deporte como un patrimonio socio cultural. Da mesma maneira, a Deputación de Lugo considera que todos os cidadáns son potenciais usuarios da práctica deportiva na medida en que todos resultan beneficiados directa ou indirectamente dela. Todo isto conforme ao disposto no artigo 43 da Constitución Española "*Los poderes públicos fomentarán la educación sanitaria, la educación física y el deporte. Asimismo facilitarán la adecuada utilización del ocio*".

Terceiro.- FEGAPI é unha entidade privada, con personalidade xurídica propia e capacidade de obrar sen ánimo de lucro. O seu ámbito territorial abrangue a Comunidade Autónoma de Galicia no desenvolvemento das competencias que lle son propias, de conformidade coa normativa vixente.

FEGAPI, ademais das competencias que lle son propias e segundo o disposto pola Lei do Deporte de Galicia, exerce por delegación funcións públicas de carácter administrativo, actuando como axente colaborador da Comunidade Autónoma galega.

FEGAPI ten como obxecto social o de promocionar, dirixir e ordenar exclusivamente dentro de Galicia, sen prexuízo das competencias concorrentes das distintas administracións públicas, as actividades propias da súa modalidade deportiva, en coordinación cos organismos correspondentes da Xunta de Galicia, rexéndose polos seus Estatutos e os seus Regulamentos, polos da Federación Española de Piragüismo no que lle sexan de aplicación e polas disposicións que dite a Xunta de Galicia e supletoriamente polas que dite a Administración do Estado.

FEGAPI é a única entidade competente dentro da Comunidade Autónoma de Galicia para promocionar, regulamentar, organizar, xestionar e controlar as competicións oficiais de Augas tranquilas, augas regulamentar, organizar, xestionar e controlar as competicións oficiais de Augas tranquilas, augas bravas, descensos, ascensos, travesías, maratón, turismo náutico, kayak – polo, canoa a vela, rafting, xogos náuticos en piragua, kayak de mar, kayak surf, estilo libre, piragüismo extremo e en xeral, cantas modalidades fixe a Federación Internacional de Canotaxe (F.I.C.).

O artigo 5.1 dos Estatutos de FEGAPI establece que entre as funcións que exercerá como propias se atopa a de colaborar coas administracións públicas e coa Real Federación Española de Piragüismo, así como coas restantes entidades deportivas, na promoción do piragüismo.

Así mesmo o artigo 56 da Lei 3/2012, de 02 de abril, do Deporte de Galicia indica que as federacións deportivas galegas exercerán as funcións que lles atribúan os seus estatutos, así como aquellas de carácter público que se deleguen nesta lei. Entre as funcións que exercerán as federacións deportivas galegas como propias atopase "*b) Colaborar coas administracións públicas e coa federación española correspondente, así como coas restantes entidades deportivas, na promoción das súas respectivas modalidades*".

Cuarto.- Que a Deputación de Lugo e FEGAPI, están interesados en colaborar no "Programa provincial de piragüismo", deseñado co obxectivo de promover a práctica do piragüismo na provincia de Lugo, coa posta en común de medios e persoal cualificado e adaptándose ás necesidades presentes e futuras. Trátase de achegar o piragüismo á poboación escolar e adulta da provincia de Lugo, mediante o desenvolvemento de actividades específicas adaptadas ás necesidades que se formulen.

Trátase de dinamizar e divulgar o deporte de piragüismo na provincia, dando cumprimento ao establecido na Lei 3/2012, de 02 de abril, do deporte de Galicia, tendo en conta a importancia que ten o deporte na sociedade ao afectar nas persoas en aspectos tales como a súa educación e más alá no seu equilibrio físico e psicolóxico, ademais trátase dunha actividade de carácter voluntario que contribúe á interrelación do suxeito co grupo e dos grupos entre si.

No ámbito desta colaboración a Deputación de Lugo, como administración pública que ademais dispón de instalacións utilizadas no ámbito deportivo do piragüismo, estima que a colaboración entre as partes permitirá asegurar que o interese público deste deporte quede garantido e salvagardado, considerando ademais que é necesaria a colaboración con FEGAPI, xa que se trata da entidade que ostenta en réxime de exclusividade a función de promocionar, dirixir e ordenar as actividades propias da súa modalidade deportiva en Galicia (artigo 56 da Lei Xeral do Deporte de Galicia).

En virtude do anterior e de mutuo acordo a Deputación Provincial e FEGAPI, que teñen como obxecto común o desenvolvemento do "Programa provincial de piragüismo" co que se pretende promocionar esta modalidade deportiva, estiman necesario establecer un instrumento de colaboración para o seu impulso na provincia de Lugo, de acordo co disposto no artigo 47, apartado c) da Lei 40/2015, de 01 de outubro, LRXSP e así ambas partes acordan a formalización do presente convenio de colaboración, de conformidade coas seguintes:

CLÁUSULAS

PRIMEIRA.- Obxecto

Este Convenio ten por obxecto establecer as bases de colaboración entre a Deputación Provincial de Lugo e FEGAPI en exercicio das súas competencias, para acadar un fin común, o desenvolvemento do "Programa provincial de piragüismo", que se concreta en:

1. Actividade de promoción nos centros educativos a través da campaña escolar "Deporte Educación" coa finalidade de aumentar a base de usuarios da actividade, vinculándoa cos clubs existentes na provincia de Lugo e a creación de novos clubs, de ser o caso.
2. Desenvolvemento do programa federado, consistente no asesoramento técnico nos procesos de adestramento aos clubs da provincia de Lugo, realización do control e seguimento destes procesos e dos resultados competitivos dos padexeiros da provincia a través de visitas aos clubs e concentracións.
3. Desenvolvemento de xornadas técnicas, cursos de formación e toda a acción docente precisa para formar aos técnicos existentes nos clubs.

No presente caso estamos ante un convenio de colaboración, é dicir ante un negocio xurídico bilateral que ten por obxecto a colaboración entre unha administración e unha entidade privada, con achegas de cada parte, en resposta a obxectivos compartidos, coa finalidade de intercambiar recursos públicos e privados, na persecución dos obxectivos comúns que comparten.

As institucións asinantes manifestan a vontade de instrumentalizar, mediante contribucións conxuntas, os elementos precisos para acadar os obxectivos anteriormente citados.

SEGUNDA.- Ámbito territorial

O ámbito de desenvolvemento das actuacións que son obxecto do presente convenio refírese á provincia de Lugo, tendo en conta que os resultados obtidos poden ter un alcance ilimitado segundo o que permita a actividade deportiva desenvolvida.

TERCEIRA.- Finalidade

Trátase do desenvolvemento dun Programa de Promoción do Piragüismo cos Clubs da provincia de Lugo que ambiciona coordinar esforzos tanto económicos como de xestión deportiva. O fin deste proxecto

sería divulgar o deporte de piragüismo na provincia e nomeadamente naquelas comarcas onde xa existen clubs realizando a actividade. Preténdese levar o programa a todos os concellos da provincia con condicións para esta modalidade deportiva dirixidos á promoción e tecnificación dos deportistas.

CUARTA. - Achechas e compromisos das partes.

4.1. A Deputación Provincial de Lugo, comprométense ao seguinte:

A) A Deputación comprométense ao financiamento dos gastos correntes previstos no “Programa provincial de piragüismo”, polo importe total de 288.000,00 €. O devandito financiamento distribuirase en tres anualidades, que serán assumidas pola Deputación de acordo co seguinte plan de financiamento:

ANUALIDADE	IMPORTE
2021	96.000,00 €
2022	96.000,00 €
2023	96.000,00 €
TOTAL	288.000,00 €

É dicir, a Deputación comprométense ao financiamento polo importe total de 288.000,00 €, distribuídos do seguinte xeito: o importe de 96.000,00 € en cada unha das tres anualidades, con cargo á aplicación do orzamentaria 3410. 22799, tendo en conta que se trata dun gasto plurianual e polo tanto, o seu financiamento queda supeditado ao cumprimento do principio de estabilidade orzamentaria e sostibilidade financeira, así como a dispoñibilidade orzamentaria.

B) A Deputación comprométense a poñer a disposición deste proxecto a Escola de Piragüismo Provincial, para que cumpra a función de plataforma de divulgación e promoción da práctica do piragüismo na provincia e contribúa na captación de futuros padeeiros e na consolidación dos clubs da provincia.

C) Así mesmo a Deputación comprométense a cumplir coas determinacións do artigo 53 da a Lei 40/2015, do 1 de outubro, de RXSP, que lle resulten aplicables.

4.2 FEGAPI, en cumprimento do presente convenio de colaboración comprométense ao seguinte:

A) A achegar como contribución ao fin común, un proxecto de acción e actividade do Programa provincial de piragüismo, indicando a xustificación da necesidade, a finalidade da actuación obxecto de colaboración, e un orzamento estimativo de gastos.

B) Tendo en conta que o artigo 56 da Lei 3/2012, de 02 de abril, do Deporte de Galicia atribúe a FEGAPI en réxime de exclusividade, a función de promocionar, dirixir e ordenar as actividades propias da súa modalidade deportiva en Galicia, FEGAPI comprométense a aportar a súa experiencia, para a organización, control, seguimento e desenvolvemento das actuacións precisas para o “Programa provincial de piragüismo”.

C) A asumir a responsabilidade da execución da actividade, así como de cantas medidas de seguridade resulten necesarias para dar cumprimento legal ao fin común perseguido nas actuacións do presente convenio, eximíndose a Deputación de calquera responsabilidade derivada do desenvolvemento e materialización da actividade.

D) A facilitar os medios humanos, materiais e técnicos, así como a loxística necesaria para o desenvolvemento das accións obxecto deste convenio. Consecuentemente, o persoal da federación que realice as accións derivadas deste convenio, non terán ningunha relación de carácter laboral ou administrativa coa Deputación provincial de Lugo.

- E)** A executar as actuacións obxecto deste convenio, na data límite do 31 de decembro de 2023.
- F)** A cumplir o obxecto, realizar a acción ou adoptar o comportamento que fundamenta o presente convenio, acreditando ante a Deputación de Lugo a súa realización, así como o cumprimento dos requisitos e condicións que determina a concesión do cofinanciamento.
- G)** A Axudar aos clubs á promoción, divulgación e expansión do piragüismo na provincia de Lugo. Ademais asume a función e iniciativa en materia de promoción e divulgación entre os clubs da provincia, así como a difusión en medios de comunicación das xornadas celebradas nos meses estivais, cumprindo os requisitos de publicidade establecidos neste convenio.

O “Programa provincial de piragüismo” divulgarase entre os centros, os concellos e os clubs implicados, que colaborarán nas actividades desenvolvidas. As inscricións terán lugar nos clubs colaboradores do proxecto, que son os seguintes, ou calquera outro que no período de vixencia de convenio se puidese crear na provincia de Lugo:

SEDES	CLUBS COLABORADORES
Lugo	Club Fluvial de Lugo
Lugo	Club Piragüismo Cidade de Lugo
Foz	Club Kayak de Foz
Viveiro	Club Piragüismo de Viveiro
San Ciprián	Club Deportivo San Ciprián
Ribadeo	Club Piragüismo Altruan
Monforte	Club de Montaña Quixos

H) A someterse ás actuacións de comprobación por parte da Deputación, ás actuacións de control financeiro da Intervención, así como ás demais actuacións de control previstas na vixente lexislación e específicas deste Convenio.

I) A dar cumprimento ao establecido na Lei 19/2013, de 9 de decembro, de transparencia, acceso á información pública e bo goberno, a través da inclusión da información na web federativa, no caso de que esta federación deportiva estea suxeita ao establecido no artícuo 3 b) da devandita Lei.

J) Así mesmo, tendo en conta que o artigo 56 da Lei 3/2012, de 02 de abril, do Deporte de Galicia recoñece como unha competencia propia de FEGAPI a colaboración coa Deputación na promoción do piragüismo na provincia de Lugo, FEGAPI comprométense a facerse cargo do funcionamento da Escola de Piragüismo que é de titularidade da Deputación de Lugo, esta actividade desenvolverase no período comprendido dende o 01 de xaneiro de 2021 ata o 31 de decembro de 2023.

A Escola de Piragüismo de Lugo, da que é titular a Deputación, deberá ser xestionada de tal xeito que garanta o seu máximo rendemento deportivo, a través da aplicación de acertados programas técnico – deportivos que abrangan desde a base ao alto rendemento, garantindo un contexto idóneo para o crecemento e desenvolvemento dos deportistas lucenses nos ámbitos deportivo, pedagóxico e social, optimizando o centro na liña de favorecer melloras en todas aquellas modalidades deportivas que puideran beneficiarse do usos destas instalacións.

Durante o período de vixencia deste convenio, a Escola Lucense de Piragüismo FEGAPI será a sede da Delegación Provincial de Lugo da FEGAPI.

A FEGAPI deberá subscribir unha póliza de seguro que cubra os danos que poida sufrir a instalación e todo o material de que dispóna, así como unha póliza de responsabilidade civil que cubra todos aqueles danos derivados e producidos polo desenvolvemento da actividade.

QUINTA.- Subcontratación.

FEGAPI poderá subcontratar ata o 50% da actividade a desenvolver, conforme ao procedemento de contratación aplicable, previsto polo Real Decreto Lexislativo 3/2011, de 14 de novembro, polo que se aproba o texto refundido da Lei de Contratos do Sector Público.

SEXTA.- Réxime económico.

A. Xustificación

Os gastos correntes financiables das accións previstas e de acordo co orzamento presentado pola FEGAPI serán os seguintes:

1. Persoal da FEGAPI para o desenvolvemento e coordinación do programa de promoción provincial do piragüismo.
2. Gastos correntes de persoal (combustible, roupa, etc)
3. Programa de promoción provincial do piragüismo.
4. Gastos derivados da formación de técnicos
5. Gastos alugueiro do material necesario do ximnasio e outros gastos correntes de xestión da escola de piragüismo

Non serán cofinanciables aqueles custos relativos a investimentos ou compra de material inventariable.

FEGAPI deberá xustificar a execución das actuacións previstas neste convenio, en todo caso, como máximo o día 31 de marzo da anualidade seguinte, durante os tres anos de duración deste convenio, quedando fixada como data de presentación da última conta xustificativa o día 31 de marzo de 2024, achegando unha conta xustificativa conxunta dos gastos realizados, unha para cada anualidade que terá o seguinte contido:

- FEGAPI deberá emitir factura para cada un dos períodos indicados no parágrafo anterior, polos servizos prestados e como máximo polos importes indicados no apartado 4.1.A deste Convenio, a devandita factura será conformada polo persoal da Área de Deportes, Artesanía e Deseño e Memoria Histórica (Deportes), acompañando un informe favorable sobre a dita actividade conxunta.
- Relación clasificada de gastos polo custo total da actividade, con identificación do acreedor e do documento, o seu importe, a data de emisión, a data de pago. Debe constar o nome da actuación e a anualidade.
No caso de relacionarse nóminas, deben vir desglosados: o salario líquido, a seguridade social a cargo da empresa, a seguridade social a cargo do traballador e o IRPF.
- Acreditación do pago das facturas ou documentos anteriores: o pago das facturas ou documentos de valor probatorio equivalente no tráfico xurídico mercantil ou con eficacia administrativa, deberá realizarse antes da finalización do prazo de xustificación da presente subvención, tendo en conta que, segundo o establecido no artigo 7 da Lei 7/2012, do 29 de outubro, de modificación da

normativa tributaria e orzamentaria e de adecuación da normativa financeira para a intensificación das actuacións na prevención e loita contra a fraude, non poderán aboarse en efectivo as operacións, nas que algunha das partes intervinientes actúe en calidade de empresario ou profesional con importe igual ou superior a 2.500,00 euros ou o seu contravalor en moeda estranxeira. A efectos de cálculo da contía sinalada, sumaranse os importes de todas as operacións ou pagos en que se puido fraccionar a entrega de bens ou a prestación de servizos. Entenderase por efectivo os medios de pago definidos no artigo 34.2 da Lei 10/2010, do 28 de abril, de prevención de branqueo de capitais e de financiamiento do terrorismo, é dicir, o papel moeda e a moeda metálica, nacional ou estranxeira; os cheques bancarios ao portador denominados en calquera moeda e calquera outro medio físico, incluídos os electrónicos, concebidos para ser utilizados como medios de pago ao portador.

Cando unha factura ou documento de valor probatorio equivalente se aboe en efectivo, deberá constar na mesma a expresión “*Recibín en efectivo na data _____*”, asinado polo receptor, con identificación do mesmo (DNI, nome e apelidos).

Respecto ao contido das facturas: éstas deberán recoller o establecido nos artigos 6 e 7 do Real Decreto 1619/2012, do 30 de novembro, polo que se aproba o Regulamento polo que se regulan as obrigas de facturación. (Aplicarase a normativa vixente en cada momento).

- Declaración das subvencións ou axudas obtidas doutras administracións públicas ou entidades públicas ou privadas para o mesmo obxecto ou actividade subvencionada, con indicación do seu importe e procedencia ou, no seu caso, declaración de non ter outras subvencións ou axudas obtidas doutras administracións públicas ou privadas para o mesmo obxecto.
- Declaración responsable na que se faga constar que, o beneficiario non é debedor por resolución de procedencia de reintegro, é dicir, que non ten pendente de ingreso no Tesouro Público ningunha reclamación de débeda derivada dunha resolución de reintegro de axuda pública.
- Ademais para xustificar o establecido no apartado 4.2, subapartado A) que se refire ás obrigas de FEGAPI, FEGAPI achegará xunto coa conta xustificativa de cada anualidade, un proxecto de acción e actividade do Programa provincial de piragüismo, previsto para a anualidade seguinte, indicando a xustificación da necesidade, a finalidade da actuación obxecto de colaboración, e un orzamento estimativo de gastos.
- Co obxecto de xustificar o establecido no apartado 4.2, subapartado B) FEGAPI deberá achegar documentación que acredite que ten subscrita unha póliña de seguro que cubra os danos que poida sufrir a instalación e o material de que dispoña, así como unha póliña de responsabilidade civil que cubra os danos producidos polo desenvolvemento da actividade.
- De acordo co estipulado no apartado 8 do ANEXO a este convenio titulado “Actividades desenvolvidas por FEGAPI”, FEGAPI deberá achegar informe no que se reflecta o nome do Club receptor e o importe aboadado dende a conta de FEGAPI en concepto de servizos prestados, para o que disporá da partida económica rotulada “Programa provincial de piragüismo”. O que permitirá tamén xustificar o establecido no apartado 4.2, sub apartado F) que se refire ás obrigas de FEGAPI. O devandito informe deberá detallar o gasto realizado do seguinte xeito:
 - Para a actividade de promoción nos centros educativos a través da campaña escolar “Deporte Educación”, detallarase o nome da acción formativa, o número de beneficiarios ou alumnos, a súa duración, o nome da persoa que imparte o curso, de ser o caso, os ingresos percibidos pola matrícula, así como calquera outra información que dende a Deputación se considere relevante.
 - Para o desenvolvemento do programa federado, nome do técnico encargado do asesoramento nos procesos de adestramento, indicación dos clubs beneficiarios, número de asesoramentos practicados, informe sobre o control e seguimento destes procesos, detalle dos resultados competitivos dos padexeiros, número de visitas efectuadas aos clubs e concentracións, nome da

persoa encargada de efectuar as visitas, data de realización das mesmas, así como calquera outra información que dende a Deputación se considere relevante.

- Para o desenvolvemento das xornadas técnicas, cursos de formación e toda a acción precisa para formar aos técnicos existentes nos clubs, o nivel de detalle deberá ser similar ao especificado nos parágrafos anteriores, reservándose a Deputación de Lugo a posibilidade de reclamar calquera outra información que dende a Deputación se considere relevante.
- Declaración responsable de que o beneficiario asumiou ou non, o custo do Imposto sobre o valor engadido (IVE), por ter ou non a posibilidade de compensalo ou recuperarlo.
- Así mesmo FEGAPI xuntará a seguinte documentación:
 - Memoria detallada de todas as actuacións realizadas de acordo coas especificacións previstas neste Convenio, con indicación do custo total e os resultados obtidos asinado pola persoa responsable.
 - Certificados acreditativos de estar ao corrente das súas obrigas tributarias ou fronte á seguridade social, expedidos pola Axencia Estatal da Administración Tributaria, Xunta de Galicia, Deputación Provincial de Lugo e Seguridade Social. Ou de ser o caso, autorización expresa á Deputación para solicitar estes certificados en nome de FEGAPI.
 - Documento emitido pola entidade bancaria, no que se indique o número da conta na que se procederá, no seu caso, ao abono do gasto xustificado.

No caso de non executarse a totalidade da cantidade en concepto de anticipo, presentarase documentación xustificativa do reintegro da parte non executada na conta da Deputación: ES 04 2080-0163-85-3110000423. De non cumplirse esta obligación de xustificación, procederá o reintegro da cantidade percibida e non executada e a esixencia do xuro de mora correspondente dende o momento da achega ata a data na que se acorde a procedencia do reintegro.

Unha vez aprobada a xustificación polo Organismo Provincial, este procederá ao aboamento da cantidade que resulte fiscalizada favorablemente. Transcorrido o prazo de xustificación da achega sen presentarse a mesma na forma establecida anteriormente, o persoal da Área de Deportes, Artesanía e Deseño e Memoria Histórica (Deportes) requirirá a FEGAPI para que no prazo adicional e improrrogable de 15 días hábiles sexa presentada.

O incumprimento do prazo aplicable establecido para a xustificación dará lugar á perda do dereito a percibir o financiamento concedido.

No caso de que non se xustifique a totalidade da achega establecida neste convenio, se se considerara que se cumpliu coa finalidade para a que se financiou, procederase unicamente ao aboamento do importe de financiación efectivamente xustificado.

O aboamento do financiamento, unha vez aprobada a xustificación da mesma, será efectuado mediante transferencia bancaria á conta sinalada por FEGAPI.

Non se procederá ao aboamento, no caso de que o beneficiario non estea ao corrente no cumprimento das súas obrigas tributarias e fronte á Seguridade Social, ou sexa debedor por resolución de procedencia de reintegro.

A Deputación de Lugo reservarase o dereito a solicitar de FEGAPI toda a documentación que se considere precisa en relación co desenvolvemento do presente convenio, da realización das actividades previstas no programa de promoción, coa xustificación do obxecto do presente convenio e con calquer outro ámbito de execución do convenio.

B. Anticipo

Por outra banda, a Deputación de Lugo poderá efectuar un anticipo, con dispensa de garantía, de ata o 50% sobre o importe total da achega da Deputación, correspondendo á anualidade 2021 o importe de 96.000,00 €, co anticipo con dispensa de garantía do 50%, é dicir, 48.000,00 €. A Deputación adquire o compromiso, supeditado ao cumprimento do principio de estabilidade orzamentaria e sostibilidade financeira, de incluír no orzamento das anualidades 2022 e 2023 a cantidade de 96.000,00 € respectivamente, co anticipo con dispensa de garantía do 50%, é dicir, 48.000,00 € cada ano, previa solicitude e unha vez xustificada e aprobada a totalidade da anualidade anterior.

ANUALIDADE	IMPORTE	ANTICIPO
2021	96.000,00	48.000,00
2022	96.000,00	48.000,00
2023	96.000,00	48.000,00
TOTAL	288.000,00 €	144.000,00 €

En ningún caso se poderán realizar pagamentos anticipados a beneficiario,-e de acordo coa disposición final décimo terceira da Lei 22/2003-, que tivesen «solicitado la declaración de concurso, haber sido declaradas insolventes en cualquier procedimiento, hallarse declaradas en concurso, estar sujetas a intervención judicial o haber sido inhabilitadas conforme a la Ley Concursal sin que haya concluido el período de inhabilitación fijado en la sentencia de calificación del concurso.».

E neste caso FEGAPI deberá achegar, para cada anualidade, a seguinte documentación:

1. Solicitud de pagamento do anticipo.
2. Factura polo importe correspondente á porcentaxe de anticipo solicitado (50%) polos servizos prestados.
3. Informe do grao de desenvolvemento das actuacións previstas no convenio, que poderá ser acreditado con copia de facturas ou documentos de valor probatorio no tráfico xurídico mercantil ou con eficacia administrativa.
4. Certificados acreditativos de estar ao corrente das súas obrigas tributarias ou fronte á seguridade social, expedidos pola Axencia Estatal da Administración Tributaria, Xunta de Galicia, Deputación Provincial de Lugo e Seguridade Social. Ou de ser o caso, autorización expresa á Deputación para solicitar estes certificados en nome de FEGAPI.
5. Declaración responsable na que se faga constar que, o beneficiario non é debedor por resolución de procedencia de reintegro, é dicir, que non ten pendente de ingreso no Tesouro Público ningunha reclamación de débeda derivada dunha resolución de reintegro de axuda pública.
6. Documento emitido pola entidade bancaria, no que se indique o número da conta na que se procederá, no seu caso, ao abono do correspondente anticipo, unha vez tramitada a documentación achegada.

SÉTIMA.- Vixencia do convenio de colaboración.

A vixencia do presente convenio terá efecto a partir da data da súa sinatura áinda que con efectos económicos dende o 01 de xaneiro de 2021 e manterase ata o cumprimento do mesmo e unha vez terminaran o conxunto de actuacións dos compromisos adquiridos polas partes, coas limitacións temporais fixadas na cláusula cuarta e o establecido no artigo 49.h da Lei 40/2015, do 1 de outubro de 2015, LRXSP.

En todo caso a súa vixencia concluirá no momento en que por parte da Deputación de Lugo se proceda á aprobación e pagamento da conta xustificativa aportada por FEGAPI, que salvo prorroga expresa antes da sua finalización, será o 31 de xaneiro de 2024, debendo estar aprobada a conta xustificativa na data límite do 31 de decembro de 2023.

De acordo co previsto no artigo 49, apartado h) da Lei 40/2015, do 1 de outubro de 2015, LRXSP, en calquera momento antes da finalización do prazo previsto no parágrafo anterior, a Deputación e FEGAPI poderán acordar unanimamente a súa prórroga por un período de ata catro anos adicionais ou a súa extinción.

OITAVA.- Extinción e efectos

O convenio extinguirase polo cumprimento das actuacións que constitúen o obxecto ou por incorrer en causas de resolución.

Son causas de resolución as sinaladas no artigo 51 da nomeada Lei 40/2015, de 01 de outubro, LRXSP, podendo ser as seguintes:

- a) Mutuo acordo das partes manifestado por escrito.
- b) Denuncia do convenio feita por calquera das partes en calquera momento, producindo efecto, salvo acordo noutro sentido, aos dous meses da súa notificación fidedigna.
- c) Por vontade dunha das partes por incumprimento grave de calquera das cláusulas do Convenio, notificando previamente a devandita vontade de resolución, ademais da necesaria continuidade daquelas actuacións que se atopasen en execución no momento da resolución, para non prexudicar a súa continuidade, producindo efecto, salvo acordo noutro sentido, aos 15 días da súa notificación.

O incumprimento e a resolución do convenio dará lugar á liquidación do mesmo, co obxecto de determinar as obrigas e compromisos de cada unha das partes, tendo en conta o disposto no artigo 52 da nomeada LRXSP.

NOVENA.- Modificación do convenio

A modificación deste convenio poderá realizarse por mutuo acordo das partes, acreditando a concorrenza de interese común, e co límite substantivo de non alterar as condicións esenciais do documento inicial, e sempre e cando dito convenio estea vixente.

A modificación do convenio levarase a cabo mediante addenda ao mesmo.

DÉCIMA.- Comisión de seguimiento.

Tendo en conta o establecido no artigo 49.f) da Lei 40/2015, de 01 de outubro, LRXSP, para o desenvolvemento das actividades obxecto deste convenio, seguimento, vixilancia e control desenrollese unha Comisión Mixta, de composición paritaria, integrada por dous representantes de cada unha das entidades que resolverá os problemas de interpretación e cumprimento que poidan xurdir respecto do presente convenio. Ostentará a Presidencia da comisión de seguimento o que o sexa do ente Provincial.

Os membros da Comisión poderán delegar a súa representación e voto noutra persoa da súa mesma organización. Poderán asistir á Comisión como invitados, con voz pero sen voto, aquelas persoas que en cada momento se considere necesario.

O seu funcionamento acomodarase ao disposto na Lei 40/2015 do 01 de outubro de 2015, LRXSP.

Serán funcións desta Comisión de Seguimiento as seguintes:

- a) A interpretación das cláusulas do convenio.
- b) Velar polo cumprimento das previsión establecidas no mesmo, e efectuar o seguimento e control para o correcto funcionamento do "Programa provincial de piragüismo".
- c) Efectuar as previsións correspondentes para potenciar a relación entre FEGAPI, os clubes de piragüismo existentes na provincia de Lugo e a sociedade en xeral.
- d) Planificar, fomentar, supervisar e avaliar as accións e programas que se vaian emprender ao abeiro do presente convenio.
- e) Adoptar ou propoñer as medidas necesarias para garantir o exercicio coordinado das competencias de cada unha das partes.
- f) Os membros da comisión de seguimento poderán delegar parte das súas funcións co obxectivo de crear os foros de discusión e traballo adecuados para alcanzar os fins do convenio asinado.
- g) Resolver os problemas de interpretación que poidan xurdir.
- h) E en xeral, as que o artigo 49.f) da Lei 40/2015, LRXSP, lle atribúe aos mecanismos de seguimento, vixilancia e control.

UNDÉCIMA.- Sistemas de comunicación, información e publicidade

Nos soportes, calquera que sexa o formato empregado (tradicional ou dixital) que aluden ou informen da actividade, FEGAPI incorporará os "logotipos" institucionais da Deputación Provincial de Lugo, para o que é preciso solicitalos ao Gabinete de Presidencia do Ente Provincial, que se compromete a entregalas.

De acordo co establecido no artigo 7, apartados 3 e 4, da Ordenanza de Uso da Lingua Galega da Deputación de Lugo, publicada no BOP de Lugo número 212, de data 14 de setembro de 2016, FEGAPI deberá cumplir o requisito de facer en galego, en calquera soporte, as campañas publicitarias e de promoción de actividades (cursos, xornadas, conferencias, festas, espectáculos, actividades deportivas, festivais, campionatos, etc.) nas que dalgún xeito colabore esta Deputación Provincial.

FEGAPI autoriza, coa sinatura do presente convenio á Deputación Provincial de Lugo a comunicar e difundir polos medios ou canles que considere axeitado, a actividade que é obxecto deste convenio, e a súa condición de colaboradora.

A Deputación de Lugo comprométense a dar publicidade a través dos seus propios medios (páxina web, portal de transparencia, etc.) do presente convenio e das accións financiadas a través do mesmo. Así como a comunicar a través do rexistro electrónico estatal de órganos e instrumentos de cooperación a celebración deste convenio nos termos establecidos legalmente.

FEGAPI e a Deputación Provincial de Lugo comprométense a cumplir coas determinacións dos artigos 53 e 144 da nomeada Lei 40/2015, de RXSP, que lle resulten aplicables.

DUODÉCIMA.- Carácter do convenio de colaboración.

O presente convenio ten natureza administrativa e non lle é de aplicación a Lei de contratos do sector público á vista do disposto no artigo 4.1.c) do Real Decreto Lexislativo 3/2011, de 14 de novembro, polo que se aproba o texto refundido da Lei de Contratos do Sector Público, que sinala que quedan excluídos do eido da citada lei "os convenios de colaboración que desenvolva a Administración Xeral do Estado

coas entidades xestoras da Seguridade Social, as Universidades Públicas, as Comunidades Autónomas, as Entidades Locais, organismos autónomos e restantes entidades públicas, ou os que celebren estes organismos e entidades entre si, salvo que, pola súa natureza, teñan a consideración de contratos suxeitos a esta lei".

Nestes supostos de colaboración entre administracións públicas, con contraprestacións entre os beneficiarios ou que as administracións que os subscriven ostentan competencias compartidas de execución (ademas de actuar "conveniendi causa"), no é de aplicación a lexislación xeral de subvencións, sen prexuízo de tomala como marco de referencia na xustificación dos fondos, de conformidade co establecido no artigo 2.4 do RD 887/2006, do 21 de xullo, polo que se aproba o RXLS e demais normativa de concordante aplicación.

As partes comprométense a resolver de xeito amistoso calquera desacordo que poida xurdir no desenvolvemento do presente convenio a través da Comisión de Seguimento constituída.

Este convenio ten natureza administrativa e rexerase pola Lei 7/1985, do 2 de abril, reguladora das bases de réxime local, sendo competente para entender nos litixios que puidesen xurdir a xurisdición contencioso – administrativa.

En proba de conformidade cos termos expostos, as partes comparecientes asinan para este só efecto e por cuadriplicado exemplar, no mesmo lugar e data anteriormente indicados.

O PRESIDENTE,

P.D. Decreto de data 15-10-2019

O DEPUTADO DELEGADO DA ÁREA DE DEPORTES,
ARTESANÍA E DESEÑO E MEMORIA HISTÓRICA

Efrén Castro Caloto

O PRESIDENTE DE FEGAPI

Asdo. José Alfredo Bea García

A SECRETARÍA XERAL,
Asdo.: María Esther Alvarez Martínez



ANEXO AO CONVENIO DE COLABORACIÓN ENTRE A FEDERACIÓN GALEGA DE PIRAGÜISMO E A EXCMA. DEPUTACIÓN PROVINCIAL DE LUGO PARA O DESENVOLVEMENTO DO “PROGRAMA PROVINCIAL DE PIRAGÜISMO” E PARA GARANTIR O CORRECTO FUNCIONAMENTO DA ESCOLA DE PIRAGÜISMO DA DEPUTACIÓN DE LUGO

En relación ao convenio de referencia asínase o presente ANEXO explicativo:

A Escola Provincial de Piragüismo é de titularidade da Deputación de Lugo, incluíndo todos os elementos que a integran de xeito estable así como todas aquelas incorporacións ou reformas das instalacións ou equipamentos fixos que puidera realizar voluntariamente e de xeito desinteresado FEGAPI, durante a vixencia do presente convenio.

Calquera modificación das instalacións ou a adquisición de novos elementos requirirá da previa autorización da ÁREA de Deportes, Artesanía e Deseño e Memoria Histórica (Deportes).

Respecto do equipamento móbil que estea accesible para os distintos usuarios será titular e responsable FEGAPI.

En ningún caso FEGAPI poderá ceder a terceiros a utilización da Escola Provincial de Piragüismo nos termos fixados neste Convenio. Esta limitación afectará tanto á imposibilidade de outra entidade (pública ou privada) de asumir tales dereitos (puntual ou regulamentariamente), como tamén á imposibilidade de que FEGAPI poda establecer o arrendo a terceiros de todo ou parte do espazo. No caso de darse esta circunstancia, este Convenio podería ser resolto pola Deputación, sen que esta circunstancia xere derecho ningún de indemnización a favor de FEGAPI, por ningún concepto.

A Deputación resérvase a potestade de organización, imposición, recadación e xestión de taxas e prezos públicos aos usuarios, potestades sancionadoras e disciplinarias e cantas deriven da condición pública da dita instalación deportiva.

A Deputación de Lugo, en virtude deste Convenio, autoriza a FEGAPI á utilización da Escola Provincial de Piragüismo para o seu uso técnico, administrativo e deportivo, debendo destinarse ás súas propias actividades deportivas e aos obxectivos e funcións establecidas no presente convenio.

A. As obrigas de FEGAPI con respecto á Escola Provincial de Piragüismo, son as que se detallan a continuación:

1. Acceso á Escola Provincial de Piragüismo:

FEGAPI comprométese a respectar os horarios de apertura e peche establecidos e autorizados pola Área de Deportes, Artesanía e Deseño e Memoria Histórica (Deportes da Deputación de Lugo, así como, o control de acceso das persoas á Escola Provincial de Piragüismo).

Deberá destinar o espazo ás finalidades propias de FEGAPI e aos obxectivos e funcións establecidas no presente convenio, realizando a súa actividade nas horas establecidas ao efecto.

Non causar molestias á veciñanza nin perturbar a tranquilidade da zona durante os horarios de utilización.

A non ceder a terceiros, nin total nin parcialmente, o uso da Escola Provincial de Piragüismo.

A non impedir a entrada dentro do horario de funcionamento, a ningunha persoa por razón de raza, sexo, relixión, opinión, orientación sexual ou calquera outra condición ou circunstancia persoal ou social.

A permitir á Deputación de Lugo a utilización do inmoble, en aqueles supostos en que resulten necesarios para a celebración de actos do Ente Provincial ou para a prestación de servizos ou obrigas impostas legalmente, a cuxos efectos notificarase a FEGAPI coa debida antelación.

Impónse a FEGAPI a prohibición de cobro de prezo por uso, non podendo recibir cantidade ou prezo ningún de eventuais usuarios/as pola utilización da Escola Provincial de Piragüismo e das súas instalacións.

FEGAPI disporá dunha copia das chaves da Escola Provincial de Piragüismo, quedando o orixinal en poder da ÁREA de Deportes, Artesanía e Deseño e Memoria Histórica (Deportes) da Deputación de Lugo, quen poderá utilizaras para levar a cabo cantas inspeccións considere oportunas, así como para acceder á Escola para o uso institucional das instalacións.

2. Formulario para o uso autorizado das instalacións por terceiros.

A Deputación de Lugo reservase o dereito de uso das instalacións da Escola Provincial de Piragüismo, polo que calquera outro uso deberá contar coa súa previa autorización.

FEGAPI está obrigada a facer un modelo estandarizado de formulario de solicitude, que deberá contar co visto e prace do representante da ÁREA de Deportes, Artesanía e Deseño e Memoria Histórica (Deportes) da Deputación de Lugo, co obxecto de que calquera Club que non exerza a disciplina de piragüismo poida usar as instalacións da Escola Provincial de Piragüismo, sempre baixo a supervisión da Deputación que será quen tome a decisión final de autorización.

FEGAPI deberá comunicar na ÁREA de Deportes, Artesanía e Deseño e Memoria Histórica (Deportes) da Deputación de Lugo as solicitudes que reciba, que serán atendidas segundo un rigoroso orden da súa entrada na Deputación.

A Deputación resérvase o dereito a xestionar directamente o uso dos espazos da Escola Provincial de Piragüismo entre os Clubs que o soliciten, no suposto que se detecte a falla de comunicación dalgúnha das solicitudes entregadas á FEGAPI.

3. Limpeza, manteramento, vixilancia e seguridade:

FEGAPI deberá controlar, supervisar e asegurar o cumprimento das normas de utilización da Escola Provincial de Piragüismo.

A limpeza das instalacións correrá a cargo da Deputación, sempre e cando se realice un uso razonable, cívico e moderado das mesmas. En caso contrario, FEGAPI farase cargo de repoñer ou emendar os danos, se os houbera, que se deriven do mal uso e funcionamento das dependencias utilizadas.

Acometer limpezas extraordinarias específicas cando FEGAPI realice eventos deportivos propios da entidade.

FEGAPI deberá conservar os espazos asignados para o seu uso en óptimas condicións de salubridade e hixiene.

FEGAPI está obrigada a manter os locais e instalacións asignadas en perfectas condicións de uso, obligándose a devolverlos á finalización deste Convenio no mesmo estado no que foron entregados. Para iso, se así o estima conveniente, poderá subscibir un contrato de mantemento cunha empresa cualificada, que deberá ser aprobado previamente pola ÁREA de Deportes, Artesanía e Deseño e Memoria Histórica (Deportes).

FEGAPI está obrigada á conservación dilixente dos espazos de uso exclusivo e de uso común e en xeral de todo o inmóvel, como tamén do mobiliario, respondendo dos danos que podan ocasionar os seus membros e usuarios, ben por acción ou por omisión, efectuando de xeito inmediato e ao seu cargo, previa autorización da Deputación, as reparacións necesarias. Este apartado non será aplicado no caso de que os danos sobrevenan ao local polo só efecto do uso e sen culpa de FEGAPI ou polo acaecemento dun caso fortuito.

FEGAPI será a encargada de optimizar os espazos e adecualos ao desenvolvemento do “Programa provincial de piragüismo” que é obxecto deste Convenio.

Queda prohibida calquera obra e reforma na Escola Provincial de Piragüismo, así como calquera elemento de modificación engadido, sen a autorización expresa da Área de Deportes, Artesanía e Deseño e Memoria Histórica (Deportes).

A Deputación de Lugo resérvarase o dereito a solicitar de FEGAPI toda a documentación que se considere precisa en relación co desenvolvemento do presente convenio, da realización das actividades previstas no programa de promoción, coa xustificación do obxecto do presente convenio e con calquier outro ámbito de execución do convenio.

FEGAPI deberá formalizar unha póliza de seguros que cubra a responsabilidade civil e tamén os posibles danos ocasionados no inmóvel derivados da execución do presente convenio.

A Deputación de Lugo non se fará responsable das perdas, subtraccións ou deterioracións ocasionados nos bens propiedade de FEGAPI que se atopen no interior da Escola Provincial de Piragüismo.

4. Horario de apertura e peche

O horario de apertura e peche das instalacións será o establecido pola Área de Innovación, Participación Cidadá, Mocidade e Deporte da Deputación de Lugo.

A Área de Innovación, Participación Cidadá, Mocidade e Deporte da Deputación de Lugo resérvase o dereito a modificar os días e horarios concedidos no seu momento, si con motivo dun acontecemento de interese para a provincia de Lugo ou por outras causas debidamente xustificadas fora necesario o uso da Escola Provincial de Piragüismo.

A Área de Innovación, Participación Cidadá, Mocidade e Deporte da Deputación de Lugo poderá ampliar os horarios de utilización da Escola Provincial de Piragüismo cando a dispoñibilidade da mesma o permitira.

5. Actividades non permitidas

No interior da Escola Provincial de Piragüismo e sempre dentro do respecto á autonomía de FEGAPI, non se poderán realizar actividades que contraveñan os principios de igualdade das persoas, polo que se prohíbe a realización de calquera acto de carácter violento ou que atente contra a dignidade persoal ou discrimine a individuos ou grupos por razón de raza, sexo, relixión, opinión, orientación sexual ou calquera outra condición ou circunstancia persoal ou social.

Queda prohibida a utilización da Escola Provincial de Piragüismo para a realización de actividades económicas que non se contemplan nos Estatutos da Federación, especialmente aquelas consideradas como molestas, insalubres, nocivas ou perigosas.

6. Contratación laboral de persoal para prestar servizo na Escola Provincial de Piragüismo

FEGAPI realizará estas funcións preferentemente con persoal da súa entidade, no caso de que contratase persoal para as actividades ou servizos anexos á actividade, a contratación e os gastos de seguridade social e análogos serán por conta de FEGAPI. Este persoal non terá relación xurídica ningunha coa Deputación de Lugo, polo que os seus problemas de índole laboral deberá tratalos con FEGAPI.

En ningún caso, se vinculará á Deputación nas relacións laborais que poda ter FEGAPI con terceiros, estando FEGAPI obrigado ao cumprimento das obrigas legais esixibles para a contratación de dito persoal.

Entre a Deputación de Lugo e o persoal ao servizo de FEGAPI non existe nin existirá ningunha relación de carácter laboral, directa ou indirecta.

Os procedementos de contratación de persoal seguidos por FEGAPI deben fundamentarse no respecto aos principios de igualdade, mérito, capacidade, publicidade, concorrencia, transparencia, confidencialidade e non discriminación, asumindo plenamente o estipulado no Real Decreto Lexislativo 2/2015, de 23 de outubro, polo que se aproba o texto refundido da Lei do Estatuto dos Traballadores.

7. Inventario de material non utilizable.

FEGAPI está obrigada a levantar un Acta na que se detallen os activos depreciados, esgotados ou amortizados existentes na Escola Provincial de Piragüismo, especificando o material susceptible de ser descartado ou no seu caso doado, sendo FEGAPI a que asuma o custo de calquera destas operacións coa supervisión previa da Deputación. A dita Acta deberá ser asinada polo representante da Área de Innovación, Participación Cidadá, Mocidade e Deporte da Deputación de Lugo, a fin de formalizar a autorización para a cesión destes materiais a terceiros.

8. Actividades desenvolvidas por FEGAPI

FEGAPI, antes de realizar calquera actividad relacionada co “Programa provincial de piragüismo” que é obxecto deste Convenio, deberá presentar un programa de actividades que terá que contar co recoñecemento previo do representante da Área de Deportes, Artesanía e Deseño e Memoria Histórica (Deportes) da Deputación de Lugo, no que obligatoriamente deberá estar prevista e deseñada a participación dos 7 Clubs de piragüismo existentes na provincia de Lugo, ou calquera outro que se puidese crear durante o período de vixencia do presente convenio:

SEDES	CLUBS COLABORADORES
Lugo	Club Fluvial de Lugo
Lugo	Club Piragüismo Cidade de Lugo
Foz	Club Kayak de Foz
Viveiro	Club Piragüismo de Viveiro
San Ciprián	Club Deportivo San Ciprián
Ribadeo	Club Piragüismo Altruán
Monforte	Club de Montaña Quixós

As actividades a desenvolver, detalladas no programa que presente FEGAPI deberán ser executadas polos 7 Clubs, sendo FEGAPI quen se encargue de aboarilles a cantidade que corresponda en concepto de servizos prestados, para o que disporá da partida económica rotulada “Programa provincial de piragüismo” que se indica no orzamento inicial achegado por FEGAPI nesta Deputación.

9. Técnico da FEGAPI para o desenvolvemento e coordinación do “Programa provincial de piragüismo”

O técnico/a asignado pola FEGAPI para o desenvolvemento do “Programa provincial de piragüismo”, deberá obrigatoriamente rotar entre os 7 Clubs da provincia, será obrigatorio presentar un informe semestral das actividades desenvoltas e referidas a execución do presente convenio ante a Deputación, debidamente asinado polo representante da FEGAPI e conformado polo representante do Club no que o técnico prestara os seus servizos.

A Deputación resérvase o dereito de ser mediadora para asignar o técnico entre os Clubs, baixo petición dos Clubs e no caso de existir conflitos ou controversias nesta función.

B. Os Dereitos e potestades da Deputación de Lugo con respecto á Escola Provincial de Piragüismo, son as que se detallan a continuación

A Escola Provincial de Piragüismo é en todo caso de titularidade da Deputación de Lugo.

A Deputación poderá ordenar discrecionalmente as modificacións que o interese público e a normativa vixente esixa.

A Deputación encargarase de fiscalizar a xestión de FEGAPI, para o que a Deputación, como titular da Escola Provincial de Piragüismo, poderá exercitar, en todo momento, as súas facultades de control, xestión e inspección das instalacións, obras, locais e servizos, conservando, en todo caso, os poderes de policía necesarios para asegurar a boa marcha dos servizos e actividades que se realicen na Escola e velar polo cumprimento do acordado neste Convenio.

A Deputación poderá extinguir o Convenio por calquera das causas previstas no ordenamento, en casos de grave incumplimento e desatención dos requisitos do Organismo Provincial.

A Deputación poderá utilizar a Escola Provincial de Piragüismo para a realización de actividades deportivas, culturais, educativas ou sociais, de carácter puntual no tempo, compatible co calendario de actividades de FEGAPI, cunha antelación mínima dun mes, ou ben sen ningún tipo de antelación cando queden afectadas por algúns Plan de Emerxencia.

A cesión da Escola Provincial de Piragüismo para o seu uso, para actividades deportivas ou de outro orden, tanto por persoas físicas como xurídicas ou asociativas, non obriga á Deputación a ningún tipo de seguro cara aos usuarios, debendo estes mutualizarse ou contratar algún outro tipo de seguro, sendo a responsabilidade extracontractual que poda derivarse dos actos ou actividades organizados pola entidade ou club autorizado da súa conta.

A Deputación de Lugo comprométese a indicar á persoa designada por FEGAPI as instrucións básicas, fundamentais e imprescindibles para a utilización da Escola Provincial de Piragüismo.

